



Broj: 11-16.6-3058-8-1/15  
Datum: 21.09.2015. godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“, broj 39/14), u postupku javne nabavke roba: Laboratorijska oprema, direktor Agencije za lijekove i medicinska sredstva Bosne i Hercegovine donosi

**ODLUKU**  
**o poništenju postupka javne nabavke**

**Član 1.**

Poništava se Odluka broj: 11-16.6-3058-6-1/15 od 02.09.2015. godine o izboru najpovoljnijeg ponuđača u postupku javne nabavke robe: **Laboratorijska oprema za Lot 1 – pH metar – kom. 2, te se poništava postupak nabavke** iz razloga što nijedna od primljenih ponuda nije prihvatljiva.

**Član 2.**

Za izvršenje ove odluke zadužuje se Sektor za finansijske poslove i Sektor za pravne i opšte poslove.

**Član 3.**

Ova odluka objavit će se na web-stranici [www.almbih.gov.ba](http://www.almbih.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 11-16.6-3058-1/15 od 28.07.2015. godine.

Javna nabavka je provedena putem otvorenog postupka.

Procijenjena vrijednost javne nabavke roba: Laboratorijska oprema za Lot 1 – pH metar – kom. 2, iznosi 10.256,41 KM bez PDV-a.

Obavještenje o nabavci broj: 5-1-1-126-3-27/15 objavljen je na Portalu javnih nabavki dana 05.08.2015. godine, a sažetak obavještenja o nabavci objavljen je u „Službenom glasniku BiH“, broj: 63/15 od 10.08.2015. godine.

Ponuđači koji su preuzeli tendersku dokumentaciju sa portala e-nabavke:

1. APICAL d.o.o. Sarajevo, IDB/JIB: 4201024380009;
2. SHOT d.o.o. Zenica, IDB/JIB: 4218126090005;
3. SARTORIUS LIBRA ELEKTRONIK d.o.o., Sarajevo, IDB/JIB: 4200481820000;

4. ERKONA d.o.o. Sarajevo, IDB/JIB: 4200547780004;
5. SPEKTROLAB d.o.o. Banja Luka, IDB/JIB: 4400873110000;
6. TUZLA-FARM d.o.o. Tuzla, IDB/JIB: 4209034730009;
7. MEDA d.o.o. Sarajevo, IDB/JIB: 4200104360002;
8. ANALITIKA d.o.o. Sarajevo, IDB/JIB: 4200561260005;
9. EUROLAB d.o.o. Bijeljina, IDB/JIB: 4400375860000;
10. MPS Lab d.o.o. Sarajevo, IDB/JIB: 4201145090008;
11. ALPHACHROM d.o.o. Sarajevo, IDB/JIB: 4200953850005;
12. MIKRO+POLO d.o.o. Sarajevo, IDB/JIB: 4201572320006;
13. MES d.o.o. Zenica, IDB/JIB: 4218047890004 ;
14. LOTRIČ CONTROL d.o.o. Mostar, IDB/JIB: 4227744330008;
15. NEW TECHNOLOGY d.o.o. Sarajevo, IDB/JIB: 4200124470009;
16. PROMA d.o.o. Sarajevo, IDB/JIB: 4200174650008;
17. AB MEDIC d.o.o. Sarajevo, IDB/JIB: 4200121960005;
18. SANAM STYRKA d.o.o. Sarajevo , IDB/JIB: 4200253360007;
19. PRECIZ-Vulin Đorđe s.p. Banja Luka, IDB/JIB: 4509015990001.

Komisija za javnu nabavu, imenovana je Odlukom o imenovanju broj: 11-16.6.-3058-2/15 od 28.07.2015. godine i Odlukom o izmjeni odluke o imenovanju broj 11-16.6-3058-2-1/14 od 07.08.2015. godine.

Komisija za javnu nabavku dostavila je dana 28.08.2015. godine Zapisnik o pregledu i ocjeni ponuda broj: 11-16.6-3058-5/15 od 28.08.2015. godine koji je dostavljen učesnicima postupka kao prilog Odluke o izboru najpovoljnijeg ponuđača broj, 11-16.6-3058-6-1/15 od 02.09.2015.godine. Zapisnikom sa sastanka Komisije, broj 11-16.6-3058-7-1/15 od 18.09.2015.godine, održanog nakon pristiglog prigovora na Odluku o izboru najpovoljnijeg ponuđača broj, 11-16.6-3058-6-1/15 od 02.09.2015.godine, koji je ujedno i izvještaj o radu Komisije, dostavljen 21.09.2015.godine, nalazi se izvještaj o ponovnoj ocjeni ponuda sa preporukom o poništenju postupka nabavke, u postupku javne nabavke roba: Laboratorijska oprema - Lot 1 – pH metar – kom. 2.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda, izvršila ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda četiri,
- da su blagovremeno zaprimljene četiri ponude.

R.br.	PONUĐAČ	Cijena na (javnom) otvaranju bez PDV-a (KM)	Ukupna cijena na (javnom) otvaranju sa PDV-om (KM)
1.	MEDA d.o.o. Sarajevo	10.147,88 (popust 923,34) Cijena sa popustom 9.224,54	10.792,72
2.	MPS Lab d.o.o. Sarajevo	13.811,34	16.159,27
3.	ANALITIKA d.o.o. Sarajevo	7.937,32	9.286,66
4.	EUROLAB d.o.o. Bijeljina	9.984,00	11.681,28

Zapisnikom sa sastanka Komisije održanog nakon pristiglog prigovora na Odluku broj, 11-16.6-3058-6-1/15 od 02.09.2015.godine, od 18.09.2015.godine, koji je dostavljen dana 21.09.2015.godine, navedeno je:

„Postupajući u skladu sa članom 100. Zakona o javnim nabavkama BiH, Komisija je konstatovala da je prigovor dopušten, blagovremen, i izjavljen od ovlaštenog lica, te je pristupila razmatranju prigovora.

U prigovoru ponuđača MPSLab d.o.o. Sarajevo od 16.09.2015. godine se navodi da je po njegovom mišljenju prekršen Zakon o javnim nabavkama, koji vidi u slijedećem:

**Navod prigovora:**

*„Uvidom u dokumentaciju utvrdili smo određene nepravilnosti, a koje se odnose na neispunjavanje formalno-pravnih uslova, zbog koji ponuđač Meda d.o.o. Sarajevo nije mogao biti ocijenjen kao najpovoljniji tehnički zadovoljavajući Ponuđač, odnosno isti je trebao biti diskvalifikovan iz razloga neispunjavanja formalno-pravnih uslova.*

*Firma Meda d.o.o. Sarajevo je priložila sljedeću dokumentaciju koja nije validna:*

- *Dostavljena je tehnička dokumentacija proizvođača Mettler Toledo za instrument S220 dok je u ponudi ponuđača jasno navedeno da nude instrument S210 Bio, tako da nije bilo moguće provjeriti da li ponuđeni instrument odgovara traženim karakteristikama iz Tenderske dokumentacije, a samim tim niti izabrati ponuđača kojeg ste ocijenili kao najuspješnijeg;*
- *Na dostavljenoj dokumentaciji (izjavama, nacrtu ugovora...) nedostaje pečat ponuđača.*
- *U tehničkoj specifikaciji TD traženi su puferi pH vrijednosti: 4.00 ( $\pm 0.02$ ), 7.00 ( $\pm 0.02$ ) i 9.00 ( $\pm 0.02$ ), a odabrani ponuđač je ponudio: 4.01, 7.00 i 9.21 i 10.00.*

*Iz gore navedenog, može se zaključiti da izabrani ponuđač ne ispunjava formalno-pravne uslove a niti tehničke koji su traženi u tenderskoj dokumentaciji.*

*Uvidom u dostavljenu dokumentaciju drugoplasiranog ponuđača Eurolab d.o.o., uočeni su sljedeći propusti u dostavljenoj ponudi:*

- *U tehničkoj dokumentaciji TD traženi su puferi pH vrijednosti: 4.00 ( $\pm 0.02$ ), 7.00 ( $\pm 0.02$ ) i 9.00 ( $\pm 0.02$ ), a ponuđač je ponudio: 4.00, 7.00 i 10.00 što se vidi iz specifikacije ponuđača (puferi L4004, L7004 i L1004).“*

**Nakon izvršene analize prigovora u formalno pravnom i suštinskom smislu Komisija je iznijela svoje izjašnjenje na navode u prigovoru:**

1. Za navode u prigovoru gdje se navodi da je dostavljena tehnička dokumentacija ponuđača Meda d.o.o. Sarajevo, za tip pH metra S220 proizvođača Mettler Toledo, a da je u ponudi ponuđač ponudio tip pH-metra S210 Bio proizvođača Mettler Toledo navodi su tačni, ali nije tačno da Komisija nije mogla izvršiti provjeru da li ponuđeni instrument odgovara traženim karakteristikama iz Tenderske dokumentacije. Naime, pregledom specifikacije za ponuđeni instrument na internet stranici [WWW.mt.com/pH](http://WWW.mt.com/pH) proizvođača Mettler Toledo ne postoji nikakva razlika između dostavljene tehničke dokumentacije i ponuđenog instrumenta na osnovu čega je Komisija zaključila da ponuđeni instrument odgovara traženim tehničkim zahtjevima.
2. Za navode u prigovoru da na dostavljenoj dokumentaciji ponuđača Meda d.o.o. Sarajevo (izjavama, nacrtu ugovora...), nedostaje pečat ponuđača navodi nisu tačni. MPSLab d.o.o. Sarajevo je uvid izvršio na kopijama ponuda, na kojima nisu vidljivi otisci pečata jer ponuđač Meda d.o.o. Sarajevo za otiske pečata koristi svjetlo zelenu tintu.
3. Za navode u prigovoru da su u tehničkoj specifikaciji TD traženi puferi pH vrijednosti 4.00 ( $\pm 0.02$ ), 7.00 ( $\pm 0.02$ ) i 9.00 ( $\pm 0.02$ ), a odabrani ponuđač je ponudio: 4.01, 7.00 i 9.21 i 10.00,

navodi nisu tačni. Izabrani ponuđač je u ponudi br. P15-0243 ponudio pod kataloškim brojem 85045.001 kit pufere sa traženim pH vrijednostima, a što je Komisija provjerila na internet stranici VWR CHEMICALS kompanije od koje ponuđač nabavlja pufere.

4. Za navode u prigovoru koji se odnosi na drugoplasiranog ponuđača navodi su tačni.

Cijeneći navedenu argumentaciju odnosno činjenice Komisija je konstatovala da je prigovor Ponuđača MPSLab d.o.o. Sarajevo od 16.09.2015. godine, djelimično osnovan.

U daljem postupku Komisija je izvršila ponovnu analizu svih pristiglih ponuda za Laboratorijsku opremu - Lot 1 – pH metar – kom. 2, i utvrdila sljedeće:

**Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača, te naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:**

Komisija je izvršila analizu dostavljenih ponuda u skladu sa relevantnim odredbama Zakona i njegovim Uputstvima za primjenu. Kako su u tenderskoj dokumentaciji detaljno definisani obavezni uslovi za učešće u ovom postupku, pristupilo se analizi istih za sve ponuđače za LOT 1.

Nakon provedene analize formalno – pravne ispravnosti dokumentacije Komisija konstatuje:

**Lot 1 – pH metar – kom. 2**

R.br.	Ponuđač	Formalno-pravna ispravnost u skladu sa zahtjevanom tenderskom dokumentacijom (zadovoljava/ne zadovoljava)	Razlog
1.	MEDA d.o.o. Sarajevo	ne zadovoljava	Nije popunjen Nacrt ugovora u skladu sa tačkom 27. TD u kojoj se navodi da su ponuđači dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.
2.	MPS Lab d.o.o. Sarajevo	zadovoljava	
3.	ANALITIKA d.o.o. Sarajevo	zadovoljava	
4.	EUROLAB d.o.o. Bijeljina	zadovoljava	

**Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija**

Nakon provedene analize tehničke ispravnosti dokumentacije Komisija konstatuje:

**Lot 1 – pH metar – kom. 2**

R.br.	PONUĐAČ	Tehnička ispravnost u skladu sa zahtjevanom tenderskom specifikacijom (zadovoljava/ne zadovoljava)	Razlog
2.	MPS Lab d.o.o. Sarajevo	ne zadovoljava	Ponuđeni instrument ne zadovoljava tražene Tehničke zahtjeve pod tačkom 1.2. (tražen je instrument koji ima potencijal $\pm 1800$ mv ili bolji, a ponuđen je instrument sa potencijalom $\pm 1200$ mv)
3.	ANALITIKA d.o.o. Sarajevo	ne zadovoljava	Stavka 1.6. – Tražen je uređaj koji je fabrički dizajniran za provođenje kalibracije sa pufer otopinom pH 9,00, a ponuđen je uređaj koji je fabrički dizajniran za provođenje kalibracije sa pufer otopinom pH 10
4.	EUROLAB d.o.o. Bijeljina	ne zadovoljava	U tehničkoj dokumentaciji TD traženi su puferi pH vrijednosti: 4.00 ( $\pm 0.02$ ), 7.00 ( $\pm 0.02$ ) i 9.00 ( $\pm 0.02$ ), a ponuđač je ponudio: 4.00, 7.00 i 10.00 što se vidi iz specifikacije ponuđača (puferi L4004, L7004 i L1004)

**Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:**

**Lot 1 – pH metar – kom. 2**

- Ponuda ponuđača **MEDA d.o.o. Sarajevo**, zbog: **formalno-pravne neispravnosti** (Ponuda se odbacuje zbog toga što ponuđač nije popunio Nacrt ugovora u skladu sa tačkom 27. TD u kojoj se navodi da su ponuđači dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora).
- Ponuda ponuđača **MPS Lab d.o.o. Sarajevo**, zbog: **tehničke neispravnosti** (Ponuđeni instrument ne zadovoljava tražene Tehničke zahtjeve pod tačkom 1.2. (tražen je instrument koji ima potencijal  $\pm 1800$  mv ili bolji, a ponuđen je instrument sa potencijalom  $\pm 1200$  mv).
- Ponuda ponuđača **ANALITIKA d.o.o. Sarajevo**, zbog:

**tehničke neispravnosti** (Stavka 1.6. – Tražen je uređaj koji je fabrički dizajniran za provođenje kalibracije sa pufer otopinom pH 9,00, a ponuđen je uređaj koji je fabrički dizajniran za provođenje kalibracije sa pufer otopinom pH 10.)

- Ponuda ponuđača **EUROLAB d.o.o. Bijeljina**, zbog:

**tehničke neispravnosti** (U tehničkoj dokumentaciji TD traženi su puferi pH vrijednosti: 4.00 ( $\pm 0.02$ ), 7.00 ( $\pm 0.02$ ) i 9.00 ( $\pm 0.02$ ), a ponuđač je ponudio: 4.00, 7.00 i 10.00 što se vidi iz specifikacije ponuđača (puferi L4004, L7004 i L1004).“

U postupku ocjene provedenog postupka, rukovodilac ugovornog organa nije našao razloge, koji bi eventualno bili osnov za neprihvatanje preporuke Komisije za javnu nabavku, ali naglašava da je bilo nepravilnosti i propusta u radu Komisije i navodi dodatne razloge poništenja postupka javne nabavke, kako slijedi:

- ne prihvata se navod Komisije da „Naime, pregledom specifikacije za ponuđeni instrument na internet stranici [WWW.mt.com/pH](http://WWW.mt.com/pH) proizvođača Mettler Toledo ne postoji nikakva razlika između dostavljene tehničke dokumentacije i ponuđenog instrumenta na osnovu čega je Komisija zaključila da ponuđeni instrument odgovara traženim tehničkim zahtjevima.“
- Ponuda ponuđača Meda d.o.o. Sarajevo se odbacuje kao formalno – pravno neispravna jer dostavljena tehnička dokumentacija ponuđača Meda d.o.o. Sarajevo ne sadrži traženu dokumentaciju proizvođača za predmetnu opremu tip pH-metra S210 Bio proizvođača Mettler Toledo, dostavljena je dokumentacija za tip pH metra S220 istog proizvođača koji ne sadrži Ponuda.

U ponovljenom postupku Komisija će ocjenu ponuda vršiti cijeneći dostavljenu dokumentaciju i postavljene tehničke zahtjeve, i u situaciji kad je u sumnju da li dostavljeno odgovara traženoj tehničkoj specifikaciji (odnosno, da li je tehnički ekvivalent traženog), zatražiti pojašnjenje od ponuđača.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu.


#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **Dostaviti:**

1. Ponuđačima,
2. Komisiji za javne nabavke,
3. Sektoru za finansijske poslove,
4. web-stranica
5. a/a

**DIREKTOR**



Prina, mr ph. Nataša Grubiša, spec.

Veljka Mladenovića bb, 78000 Banja Luka  
Centrala: +387 51 456 040; 456 050  
Fax: +387 51 450 30  
E-mail: [info@almbih.gov.ba](mailto:info@almbih.gov.ba)  
[www.almbih.gov.ba](http://www.almbih.gov.ba)

Вељка Млађеновића бб, 78000 Бања Лука  
Централа: +387 51 456 040; 456 050  
Факс: +387 51 450 30  
E-mail: [info@almbih.gov.ba](mailto:info@almbih.gov.ba)  
[www.almbih.gov.ba](http://www.almbih.gov.ba)